

BAB 1 TAKRIF DAN TAFSIRAN**BAHAGIAN A – TAKRIF****1.01 Takrif**

Dalam Kehendak-Kehendak ini, melainkan jika konteksnya menghendaki makna yang lain-	
penerimaan masuk	ertinya penerimaan masuk sekuriti dalam Senarai Rasmi Bursa dan “ diterima masuk ” akan ditafsirkan dengan sewajarnya.
penasihat	berhubung dengan seseorang penerbit tersenarai, ertinya –
	(a) seseorang yang dibenarkan untuk menjalankan aktiviti terkawal menasihati kewangan korporat di bawah CMSA, termasuk Penasihat Utama;
	(b) seseorang penasihat kewangan, peguam, akauntan, penilai, atau mana-mana orang lain yang diambil khidmat oleh penerbit tersenarai untuk memberikan nasihat atau perkhidmatan profesional berhubung dengan sesuatu perkara yang ditadbir oleh Kehendak-Kehendak ini; atau
	(c) mana-mana orang lain yang, bertindak sebagai seseorang penasihat, mengemukakan, menyerahkan atau menzahirkan suatu permohonan, pekeliling atau apa-apa dokumen lain kepada Bursa bagi pihak seseorang pemohon atau penerbit tersenarai.
pindaan	berhubung dengan sesuatu dokumen atau maklumat, termasuk apa-apa penambahan, pemotongan, pengubahsuaian atau pengubahan mana-mana bahagian dokumen atau maklumat itu, dan “ dipinda ” akan ditafsirkan dengan sewajarnya.
pemohon	ertinya seseorang yang memohon untuk penerimaan masuk sekuriti.
piawaian perakaunan yang diluluskan	berhubung dengan Lembaga Piawaian Perakaunan Malaysia (MASB), mempunyai erti yang diberikan dalam seksyen 2 Akta Laporan Kewangan 1997, tetapi tidak termasuk Piawaian Pelaporan Entiti Persendirian Malaysia atau yang setaraf dengannya.
sekutu	berhubung dengan mana-mana orang (yang disebut sebagai “ Orang tersebut ”) ertinya seseorang yang termasuk dalam mana-mana satu daripada kategori yang berikut:
	(a) seorang anggota keluarga Orang tersebut;
	(b) seorang pemegang amanah suatu amanah (selain seorang pemegang amanah suatu skim syer bagi pekerja atau skim pencen) di mana Orang tersebut atau seorang anggota keluarga Orang tersebut merupakan benefisiari tunggal;
	(c) seseorang, atau jika orang itu ialah suatu pertubuhan perbadanan, pertubuhan perbadanan itu atau pengaruhnya, yang pada kebiasaannya atau berkewajipan, sama ada secara formal atau tidak formal, untuk bertindak mengikut arahan, petunjuk atau kemahuan Orang tersebut;

	<ul style="list-style-type: none"> (d) seseorang, atau jika orang itu ialah suatu pertubuhan perbadanan, pertubuhan perbadanan itu atau pengaruhnya, yang mana arahan, petunjuk atau kemahuan mereka Orang tersebut biasanya atau berkewajipan, sama ada secara formal atau tidak formal, untuk bertindak; (e) suatu pertubuhan perbadanan yang pengarah, pemegang syer atau anggota keluarga Orang tersebut berhak untuk menjalankan, atau mengawal penjalanan, tidak kurang daripada 20% undi yang diberikan kepada syer mengundi dalam pertubuhan perbadanan itu; atau (f) suatu pertubuhan perbadanan yang merupakan suatu perbadanan yang berhubungan dengan Orang tersebut.
syarikat bersekutu	mempunyai erti yang diberikan kepada “ sekutu ” mengikut piawaian perakaunan yang dikeluarkan atau diterima pakai oleh Lembaga Piawaian Perakaunan Malaysia.
juruaudit	ertinya seorang juruaudit yang didaftar sebagai juruaudit berdaftar atau diiktiraf sebagai juruaudit diiktiraf di bawah seksyen 31O Akta Suruhanjaya Sekuriti Malaysia 1993.
Lembaga Pemantauan Audit	ertinya badan yang ditubuhkan di bawah seksyen 31C Akta Suruhanjaya Sekuriti Malaysia 1993.
Bank Negara Malaysia	ertinya Bank Negara Malaysia yang ditubuhkan di bawah Akta Bank Negara Malaysia 2009.
Lembaga	berhubung dengan Bursa, ertinya lembaga pengarah Bursa.
lot dagangan	berhubung dengan mana-mana sekuriti yang disebut harga di Senarai Rasmi, ertinya suatu kumpulan sekuriti yang mengandungi 100 unit atau apa-apa jumlah lain sekuriti yang dibenarkan oleh Bursa untuk didagangkan di pasaran saham.
tarikh tutup buku	ertinya masa dan tarikh tertentu yang ditetapkan oleh penerbit tersenarai bagi maksud menentukan kelayakan untuk dividen, faedah, sekuriti baru atau pengagihan lain atau hak pemegang sekuritinya.
amanah perniagaan	ertinya suatu skim unit amanah yang operasi atau pengurusan skim itu dan harta atau aset skim itu diuruskan oleh seorang pengurus pemegang amanah.
Syarikat Tunai	ertinya seseorang penerbit tersenarai yang asetnya secara penyatuan, terdiri daripada 70% atau lebih tunai atau pelaburan jangka pendek, atau mana-mana kombinasi kedua-duanya, yang telah dianggap oleh Bursa sebagai Syarikat Tunai di bawah perenggan 8.03.
pertukaran ahli lembaga pengarah	berhubung dengan suatu perbadanan tersenarai, ertinya suatu pertukaran dalam tempoh 12 bulan dari tarikh pemerolehan– <ul style="list-style-type: none"> (a) sekurang-kurangnya separuh daripada keanggotaan lembaga pengarah perbadanan tersenarai itu; atau (b) sekurang-kurangnya satu pertiga daripada keanggotaan lembaga pengarah perbadanan tersenarai itu, termasuk ketua eksekutif.

ketua eksekutif	berhubung dengan suatu perbadanan, ertiya pegawai eksekutif utama perbadanan itu pada masa ini, walau apapun gelarannya, dan sama ada dia seorang pengarah atau tidak.
ketua pegawai kewangan	berhubung dengan suatu perbadanan, ertiya seseorang yang secara terutamanya bertanggungjawab bagi pengurusan hal ehwal kewangan perbadanan (seperti penyimpanan rekod, perancangan kewangan dan pelaporan kewangan), walau apapun gelarannya.
dana tertutup	ertiya seseorang pemohon atau suatu perbadanan tersenarai yang terlibat sepenuhnya dalam urusan melaburkan kumpulan wangnya dalam sekuriti bagi maksud - <ul style="list-style-type: none"> (a) menyebar risiko pelaburan; dan (b) menguruskan suatu portfolio pelaburan, untuk memperoleh hasil dan keuntungan bagi faedah dan bagi pihak pemegang syerna.
CMSA	ertiya Akta Pasaran Modal dan Perkhidmatan 2007.
skim pelaburan kolektif	ertiya apa-apa perkiraan yang – <ul style="list-style-type: none"> (a) dibuat bagi maksud, atau mempunyai kesan, menyediakan kemudahan bagi orang menyertai atau menerima keuntungan atau pendapatan yang berbangkit daripada pemerolehan, pemegangan, pengurusan atau pelupusan sekuriti, derivatif atau apa-apa aset lain ("aset kumpulan wang") atau jumlah wang yang dibayar daripada keuntungan atau pendapatan itu; (b) orang yang menyertai dalam perkiraan itu tidak mempunyai kawalan hari ke hari ke atas pengurusan aset kumpulan wang; (c) caruman daripada orang yang menyertai perkiraan itu dan keuntungan atau pendapatan daripada pembayaran yang dibuat, adalah dikumpul, dan (d) aset kumpulan wang diuruskan oleh entiti yang bertanggungjawab bagi pengurusan aset kumpulan wang itu dan diluluskan, diberi kuasa atau dilesenkan oleh pengawal selia yang berkaitan untuk menjalankan aktiviti pengurusan kumpulan wang, dan termasuk antara lain REIT, ETF dan dana tertutup.
penyempurnaan pengambilalihan yang layak	berhubung dengan SPAC, ertiya ketika semua syarat terdahulu yang dinyatakan dalam perjanjian jual beli yang mengawal pengambilalihan yang layak telah dipenuhi, dan "menyempurnakan pengambilalihan yang layak" hendaklah ditafsirkan sewajarnya.
Akta Syarikat	ertiya Akta Syarikat 2016.

pemegang syer mengawal	ertinya mana-mana orang yang atau kumpulan orang yang secara bersesama berhak untuk menjalankan atau mengawal penjalanan lebih daripada 33% syer mengundi dalam suatu syarikat (atau apa-apa peratusan lain sebagaimana yang ditetapkan dalam Kod Pengambilalihan dan Percantuman sebagai tahap untuk memulakan suatu tawaran umum wajib) atau yang boleh mengawal keanggotaan majoriti lembaga pengarah syarikat itu.
pemegang unit mengawal	ertinya mana-mana orang yang atau kumpulan orang yang secara bersesama berhak untuk menjalankan atau mengawal penjalanan lebih daripada 33% unit mengundi dalam suatu skim unit amanah (atau apa-apa peratusan lain sebagaimana yang ditetapkan dalam Kod Pengambilalihan dan Percantuman sebagai tahap untuk memulakan suatu tawaran am wajib).
sekuriti boleh tukar	ertinya sekuriti yang boleh ditukar atau dilaksanakan, mengikut terma penerbitannya, kepada syer tersenarai.
perniagaan teras	ertinya perniagaan yang merupakan sumber utama bagi hasil operasi atau keuntungan selepas cukai sesuatu perbadanan dan yang terdiri daripada aktiviti utama perbadanan itu dan subsidiarinya.
perbadanan	mempunyai erti yang diberikan dalam seksyen 2(1) CMSA.
penjaga	berhubung dengan suatu Akaun Amanah bagi SPAC, ertinya - <ul style="list-style-type: none"> (a) suatu syarikat amanah yang berdaftar di bawah Garis Panduan Pendaftaran dan Tatakelakuan Penyedia Perkhidmatan Pasaran Modal; atau (b) suatu bank berlesen atau bank pelaburan berlesen sebagaimana yang ditakrifkan dalam Akta Perkhidmatan Kewangan 2013, <p>yang bebas daripada penasihat dan pasukan pengurusan SPAC.</p>
sekuriti hutang	ertinya debentur, saham pinjaman atau surat cara lain yang seumpamanya yang mengesahkan, atau merupakan keterangan keberhutangan, sama ada bercagar atau tidak bercagar, dan sama ada boleh ubah atau tidak.
sekuriti deposit	ertinya sekuriti yang berada pada kredit suatu akaun sekuriti dan termasuklah sekuriti dalam suatu akaun sekuriti yang dalam gantungan.
pendeposit	ertinya pemegang akaun sekuriti yang diwujudkan oleh Depositori.
Depositori	ertinya Bursa Malaysia Depository Sdn Bhd.
bank depositori	berhubung dengan resit depositori, ertinya penerbit resit depositori itu.
resit depositori	ertinya suatu sekuriti yang memberikan hak kepada pemegang berdaftar untuk memiliki kuantiti yang ditetapkan bagi sekuriti yang disenaraikan dalam Bursa Saham Yang Diiktiraf.
pengarah	mempunyai erti yang diberikan dalam seksyen 2(1) CMSA dan termasuk – <ul style="list-style-type: none"> (a) dalam hal penerbit waran berstruktur, pengarah penerbit waran berstruktur itu;

	<ul style="list-style-type: none"> (b) dalam hal pemohon atau penerbit tersenarai yang merupakan suatu skim pelaburan kolektif, pengarah suatu syarikat pengurusan; atau (c) dalam hal pemohon atau penerbit tersenarai yang merupakan suatu amanah perniagaan, pengarah pengurus pemegang amanah itu.
Skim Pelaburan Semula Dividen	ertinya suatu skim yang membolehkan pemegang syer melabur semula dividen tunai kepada syer baharu.
Skim Syer Pekerja	secara kolektif ertinya Skim Penerbitan Syer dan Skim Pemberian Syer.
Bursa	ertinya Bursa Malaysia Securities Berhad.
Syarikat Pemegangan Bursa	ertinya Bursa Malaysia Berhad.
dana dagangan bursa (“ETF”)	ertinya suatu dana tersenarai yang distruktur sebagai skim unit amanah yang tujuannya adalah untuk – <ul style="list-style-type: none"> (a) mengesan; (b) menghantar serah pelbagai; atau (c) menghantar serah yang berlawanan, <pre style="margin-left: 20px;">prestasi indeks atau penanda aras menggunakan strategi pelaburan pasif.</pre>
pakar	termasuk seorang jurutera, penilai, akauntan dan mana-mana orang lain yang berdasarkan profesionnya memberi kewibawaan kepada sesuatu pernyataan yang dibuat olehnya.
keluarga	berhubung dengan seseorang ertinya orang yang tergolong dalam mana-mana kategori yang berikut: <ul style="list-style-type: none"> (a) suami atau isteri; (b) ibu atau bapa; (c) anak termasuk anak angkat dan anak tiri; (d) adik-beradik; dan (e) suami atau isteri orang yang disebut dalam subperenggan (c) dan (d) di atas.
perbadanan asing	ertinya suatu entiti yang diperbadankan di luar Malaysia.
penasihat atau pakar bebas	ertinya seseorang penasihat atau pakar yang tidak terikat dengan pengurusan dan lembaga pengarah pemohon atau penerbit tersenarai yang melantiknya dan bebas daripada apa-apa urusan atau hubungan lain yang boleh menjelaskan pertimbangan bebas oleh penasihat atau pakar itu.

pengarah bebas	<p>ertinya seseorang pengarah yang tidak terikat dengan pengurusan dan bebas daripada apa-apa urusan atau hubungan lain yang boleh menjelaskan pertimbangan bebasnya atau keupayaannya untuk bertindak demi kepentingan terbaik seseorang pemohon atau penerbit tersenarai. Tanpa mengehadkan keluasan erti tersebut, seseorang pengarah bebas ialah seseorang yang -</p> <ul style="list-style-type: none"> (a) bukan seorang pengarah eksekutif pemohon, penerbit tersenarai atau mana-mana perbadanan berhubungan pemohon atau penerbit tersenarai itu (setiap perbadanan disebut sebagai "Perbadanan tersebut"); (b) bukan, dan tidak pernah dalam tempoh 3 tahun yang terdahulu menjadi, seorang pegawai (kecuali sebagai seorang pengarah bebas) Perbadanan tersebut. Bagi maksud ini, "pegawai" mempunyai erti yang diberikan dalam seksyen 2 Akta Syarikat; (c) bukan seorang pemegang syer utama Perbadanan tersebut; (d) bukan seorang anggota keluarga mana-mana pengarah eksekutif, pegawai atau pemegang syer utama Perbadanan tersebut; (e) tidak bertindak sebagai penama atau wakil mana-mana pengarah eksekutif atau pemegang syer utama Perbadanan tersebut; (f) tidak pernah dilantik sebagai seorang penasihat Perbadanan tersebut dalam hal keadaan yang ditentukan oleh Bursa, atau kini bukan seorang rakan kongsi, pengarah (kecuali sebagai pengarah bebas) atau pemegang syer utama, mengikut mana-mana yang berkenaan, sesuatu firma atau perbadanan yang menyediakan perkhidmatan penasihat profesional kepada Perbadanan tersebut dalam hal keadaan yang ditentukan oleh Bursa; atau (g) tidak terlibat dalam apa-apa transaksi dengan Perbadanan tersebut dalam hal kedaan yang ditentukan oleh Bursa, atau kini bukan seorang rakan kongsi, pengarah atau pemegang syer utama, mengikut mana-mana yang berkenaan, sesuatu firma atau perbadanan (selain subsidiari pemohon atau penerbit tersenarai) yang terlibat dalam apa-apa transaksi dengan Perbadanan itu dalam hal keadaan yang ditentukan oleh Bursa.
	<i>[Rujukan silang: Nota Amalan 13]</i>
projek infrastruktur	<p>ertinya suatu projek yang mewujudkan struktur fizikal asas atau tapak bagi penyampaian barang atau perkhidmatan awam penting yang perlu demi pembangunan ekonomi sesebuah negeri, wilayah atau negara, seperti pembinaan dan pengendalian jalan raya, jambatan, terowong, landasan kereta api, sistem alihan massa, pelabuhan laut, lapangan terbang, sistem air dan kumbahan, sistem pembetungan, loji janakuasa, sistem bekalan gas dan sistem telekomunikasi.</p>
perbadanan projek infrastruktur	<p>ertinya suatu perbadanan yang perniagaan terasnya adalah membina dan mengendalikan sesuatu projek infrastruktur.</p>
tersenarai	<p>ertinya diterima masuk dalam Senarai Rasmi dan tidak dikeluarkan, dan "penyenaraian" ditafsirkan sewajarnya.</p>

perbadanan tersenarai	ertinya suatu perbadanan yang sekuritinya atau mana-mana kelas sekuritinya telah diterima masuk dalam Senarai Rasmi dan tidak dikeluarkan.
penerbit tersenarai	ertinya mana-mana satu atau lebih, mengikut konteks yang dikehendaki, yang berikut:
	(a) suatu perbadanan tersenarai, termasuk suatu SPAC;
	(b) suatu skim pelaburan kolektif tersenarai;
	(c) suatu amanah perniagaan tersenarai; atau
	(d) seorang penerbit mana-mana sekuriti tersenarai lain.
syarikat bersekutu utama atau subsidiari utama	ertinya suatu syarikat bersekutu atau subsidiari, mengikut mana-mana yang berkenaan, yang menyumbang 70% atau lebih keuntungan sebelum cukai atau jumlah aset digunakan penerbit tersenarai secara penyatuhan.
pemegang syer utama	ertinya seseorang yang mempunyai kepentingan atau kepentingan-kepentingan dalam satu atau lebih syer mengundi dalam suatu perbadanan dan bilangan atau bilangan agregat syer itu, ialah–
	(a) 10% atau lebih daripada jumlah bilangan syer mengundi dalam perbadanan itu; atau
	(b) 5% atau lebih jumlah bilangan syer mengundi dalam perbadanan itu jika orang itu ialah pemegang syer terbesar perbadanan itu.
	Bagi maksud takrif ini, “ kepentingan ” hendaklah mempunyai erti “ kepentingan dalam syer ” yang diberikan dalam seksyen 8 Akta Syarikat.
pemegang unit utama	ertinya seseorang yang mempunyai kepentingan atau kepentingan-kepentingan dalam satu atau lebih unit dalam skim unit amanah dan bilangan atau bilangan agregat unit itu ialah –
	(a) 10% atau lebih jumlah bilangan unit dalam skim unit amanah itu; atau
	(b) 5% atau lebih jumlah bilangan unit dalam skim unit amanah itu jika orang itu ialah pemegang unit terbesar skim unit amanah itu.
	Bagi maksud takrif ini, “ kepentingan dalam unit ” mempunyai erti yang diberikan dalam seksyen 4 CMSA.
syarikat pengurusan	ertinya suatu syarikat yang yang melaluinya atau yang bagi pihaknya suatu unit skim pelaburan kolektif –
	(a) telah atau dicadangkan untuk diterbitkan atau ditawarkan bagi langganan atau pembelian; atau
	(b) yang berkenaan dengannya suatu pelawaan untuk melanggan atau membeli telah dibuat,
	dan termasuklah mana-mana orang yang pada masa ini menjalankan fungsi syarikat pengurusan itu.

pasukan pengurusan	berhubung dengan suatu SPAC, termasuklah pengarah eksekutif dan anggota pengurusan kanan SPAC yang terlibat dalam membuat keputusan strategic dalam SPAC.
Pengurus	<p>berhubung dengan suatu dana tertutup, ertiya secara kolektif –</p> <ul style="list-style-type: none"> (a) suatu syarikat yang diperbadankan di Malaysia; dan (b) individu (individu-individu), <p>yang bertanggungjawab bagi mengurus pelaburan dana tertutup sebagaimana yang diluluskan oleh SC di bawah Garis Panduan bagi Tawaran Awam Sekuriti Dana Tertutup SC.</p>
hari pasaran	ertiya hari apabila pasaran saham Bursa terbuka untuk dagangan sekuriti.
MCCG	ertiya Kod Tadbir Urus Korporat Malaysia.
anggota	termasuk seseorang pendeposit yang akan dianggap seolah-olah dia adalah anggota menurut seksyen 35 Akta Perindustrian Sekuriti (Depositori Pusat) 1991 tetapi tidak termasuk Depositori selaku pemegang amanah biasa.
MOG	ertiya mineral atau O&G. " Mineral " dan " O&G " mempunyai erti yang diberikan kepadanya dalam Garis Panduan Ekuiti SC.
aset bersih	merujuk kepada aset bersih yang berkaitan dengan pemegang ekuiti biasa penerbit tersenarai.
pegawai	<ul style="list-style-type: none"> (a) berhubung dengan pemohon, penerbit tersenarai atau perbadanan yang berhubungan dengannya, ertiya ketua eksekutif, ketua pegawai operasi, ketua pengawal kewangan atau mana-mana orang lain yang secara terutamanya bertanggungjawab bagi operasi atau pengurusan kewangan seseorang pemohon, penerbit tersenarai atau perbadanan yang berhubungan dengannya, walau apapun gelarannya; dan (b) berhubung dengan Bursa atau Syarikat Pemegangan Bursa, mempunyai erti yang diberikan dalam seksyen 2 Akta Syarikat.
Senarai Rasmi	ertiya suatu senarai yang menyatakan semua sekuriti yang disenaraikan di Pasaran Utama Bursa.
opsyen	termasuk opsyen di bawah suatu skim syer untuk pekerja, sekuriti boleh tukar dan apa-apa jenis opsyen lain berkenaan dengan sekuriti sesuatu perbadanan yang telah diterbitkan atau yang belum diterbitkan.
Organisasi Peserta	ertiya suatu syarikat yang menjalankan urusan perniagaan dalam sekuriti dan pada masa ini diiktiraf sebagai Organisasi Peserta Bursa menurut Kaedah-Kaedah Bursa.
rakan kongsi	berhubung dengan mana-mana orang (disebut sebagai " Orang tersebut "), ertiya orang yang tergolong dalam mana-mana satu daripada kategori yang berikut:

- (a) orang yang dengannya Orang tersebut, terlibat atau bercadang untuk mengadakan perkongsian. "Perkongsian" bagi maksud ini merujuk kepada suatu "perkongsian" sebagaimana yang ditakrifkan dalam seksyen 3 Akta Perkongsian 1961 atau "perkongsian liabiliti terhad" sebagaimana yang ditakrifkan dalam seksyen 2 Akta Perkongsian Liabiliti Terhad 2012, mengikut mana-mana yang berkenaan; atau
- (b) orang yang dengannya Orang tersebut telah membuat atau bercadang untuk membuat usaha sama, sama ada usaha sama itu telah diperbadankan atau tidak.

Pelaburan Yang Dibenarkan	berhubung dengan SPAC, ertiya pelaburan dalam sekuriti yang diterbitkan oleh kerajaan Malaysia, instrumen pasaran wang dan kertas bertaraf AAA.
orang	termasuk kumpulan orang, sama ada diperbadankan atau tidak diperbadankan (termasuklah suatu amanah).
orang yang berhubungan	berhubung dengan mana-mana orang (disebut sebagai " Orang tersebut ") ertiya orang yang tergolong di bawah mana-mana satu daripada kategori yang berikut:
	<ul style="list-style-type: none"> (a) anggota keluarga Orang tersebut; (b) pemegang amanah suatu amanah (selain pemegang amanah bagi skim syer untuk pekerja atau skim pencen) yang di bawahnya Orang tersebut, atau anggota keluarga Orang tersebut, adalah satu-satunya benefisiari; (c) rakan kongsi Orang tersebut; (d) seseorang, atau jika orang itu ialah pertubuhan perbadanan, pertubuhan perbadanan itu atau pengaruhnya, yang pada kebiasannya atau berkewajipan untuk, sama ada formal atau tidak formal, bertindak mengikut arahan, petunjuk atau kemahuan Orang tersebut; (e) seseorang, atau jika orang itu ialah suatu pertubuhan perbadanan, pertubuhan perbadanan itu atau pengaruhnya, yang mana arahan, petunjuk atau kemahuan mereka Orang tersebut pada kebiasannya atau berkewajipan, sama ada formal atau tidak formal, untuk bertindak; (f) suatu pertubuhan perbadanan yang padanya Orang tersebut, atau orang yang berhubungan dengan Orang tersebut berhak menjalankan, atau mengawal penjalanan, tidak kurang daripada 20% daripada undi yang berhubung kait dengan syer mengundi dalam pertubuhan perbadanan itu; atau (g) suatu pertubuhan perbadanan yang merupakan suatu perbadanan yang berhubungan dengan Orang tersebut.

Penerbit PN17

mempunyai erti yang diberikan dalam perenggan 8.04.

operasi yang sebahagian besarnya berpusat di negara asing	ertiinya situasi di mana - (a) keuntungan selepas cukai perbadanan yang diperoleh daripada aset yang dipegang atau operasi yang diadakan di luar Malaysia adalah lebih tinggi daripada keuntungan selepas cukai yang diperoleh daripada aset yang dipegang atau operasi yang diadakan di dalam Malaysia; atau (b) majoriti projek infrastruktur perbadanan terletak di luar Malaysia.
operasi yang sebahagian besarnya berpusat di Malaysia	ertiinya situasi di mana - (a) keuntungan selepas cukai perbadanan yang diperoleh daripada aset yang dipegang atau operasi yang diadakan di dalam Malaysia adalah lebih tinggi daripada keuntungan selepas cukai yang diperoleh daripada aset yang dipegang atau operasi yang diadakan di luar Malaysia; atau (b) majoriti projek infrastruktur perbadanan itu terletak di dalam Malaysia.
penyenaraian utama	ertiinya penerimaan masuk ke Senarai Rasmi atas asas utama.
Penasihat Utama	ertiinya seseorang yang dinyatakan dalam Senarai Penasihat Utama yang Diluluskan yang disiarkan di laman sesawang SC.
subsidiari prinsipal	ertiinya suatu subsidiari yang menyumbang 25% atau lebih daripada keuntungan selepas cukai atau jumlah aset digunakan penerbit tersenarai berdasarkan penyata kewangan teraudit penerbit tersenarai atau penyata kewangan disatukan teraudit penerbit tersenarai, mengikut mana-mana yang berkenaan, yang terkini disiarkan atau diumumkan.
penganjur	termasuk seseorang pemegang syer mengawal, seseorang yang berhubungan dengan seseorang pemegang syer mengawal dan seseorang pengarah eksekutif yang merupakan pemegang syer substansial pemohon atau penerbit tersenarai.
aktiviti pembangunan harta tanah	berhubung dengan REIT, mempunyai erti yang diberikan dalam Garis Panduan SC mengenai REIT Tersenarai.
kos pembangunan harta tanah	berhubung dengan REIT, mempunyai erti yang diberikan dalam Garis Panduan SC mengenai REIT Tersenarai.
awam	(a) berhubung dengan suatu perbadanan, ertiinya semua orang atau orang awam tetapi tidak termasuk - (i) pengarah pemohon atau penerbit tersenarai dan subsidiarinya; (ii) pemegang syer substansial pemohon atau penerbit tersenarai kecuali jika pemegang syer itu memenuhi semua kehendak berikut yang dalam hal yang demikian pemegang syer itu boleh termasuk sebagai pemegang syer "awam": (aa) kepentingan pemegang syer itu, secara langsung atau tidak langsung, tidak melebihi 15% daripada jumlah syer pemohon atau penerbit tersenarai;

- (bb) pemegang syer itu bukan pengajur pemohon atau penerbit tersenarai; dan
- (cc) pemegang syer itu merupakan -
- (A) suatu institusi berkanun yang menguruskan dana milik penyumbang atau pelabur yang merupakan orang awam; atau
- (B) suatu entiti yang ditubuhkan sebagai suatu skim pelaburan kolektif, seperti dana tertutup, unit amanah atau dana pelaburan (tetapi tidak termasuk syarikat pemegangan pelaburan);
- (iii) sekutu pengarah atau pemegang syer substansial pemohon atau penerbit tersenarai;
- (b) berhubung dengan suatu dana tertutup, mempunyai erti yang sama sebagaimana takrif "awam" berhubung dengan suatu perbadanan tetapi tidak termasuk -
- (i) Pengurus dana tertutup;
- (ii) pengarah Pengurus;
- (iii) pemegang syer substansial Pengurus; dan
- (iv) sekutu pengarah atau pemegang syer substansial Pengurus;
- (c) berhubung dengan suatu skim pelaburan kolektif (selain suatu dana tertutup), ertiinya semua orang atau orang awam tetapi tidak termasuk -
- (i) pengarah dan pemegang syer substansial syarikat pengurusan;
- (ii) pemegang unit substansial suatu skim pelaburan kolektif kecuali jika pemegang unit itu memenuhi semua kehendak yang dinyatakan dalam subperenggan (a)(ii) di atas seolah-olah pemegang unit itu ialah pemegang syer yang disebut dalam subperenggan (a)(ii), yang dalam hal yang demikian pemegang unit tersebut boleh termasuk sebagai pemegang unit "awam";
- (iii) pemegang amanah suatu skim pelaburan kolektif; dan
- (iv) sekutu pengarah syarikat pengurusan atau pemegang unit substansial suatu skim pelaburan kolektif.
- (d) berhubung dengan sekuriti mengundi sesuatu SPAC, ertiinya semua orang atau orang awam tetapi tidak termasuk -
- (i) pengarah SPAC;

- (ii) pemegang sekuriti mengundi substansial SPAC kecuali jika pemegang sekuriti mengundi itu memenuhi semua kehendak yang dinyatakan dalam subperenggan (a)(ii) di atas seolah-olah pemegang sekuriti mengundi itu ialah pemegang syer yang disebut dalam subperenggan (a)(ii), yang dalam hal yang demikian pemegang sekuriti mengundi itu boleh termasuk sebagai pemegang sekuriti mengundi "awam"; dan
 - (iii) sekutu pengarah atau pemegang sekuriti mengundi yang substansial SPAC; dan
- (e) berhubung dengan amanah perniagaan, ertiya semua orang atau orang awam tetapi tidak termasuk –
- (i) pengurus pemegang amanah;
 - (ii) pengarah dan pemegang syer substansial pengurus pemegang amanah;
 - (iii) entiti subsidiari sebagaimana yang ditakrifkan dalam Garis Panduan Amanah Perniagaan SC;
 - (iv) pengarah atau orang yang melaksanakan fungsi yang serupa sebagai pengarah sesuatu perbadanan, entiti subsidiari itu;
 - (v) pemegang unit amanah perniagaan yang substansial kecuali jika pemegang unit itu memenuhi semua kehendak yang dinyatakan dalam subperenggan (a)(ii) di atas seolah-olah pemegang unit itu ialah pemegang syer yang disebut dalam subperenggan (a)(ii), yang dalam hal yang demikian pemegang unit itu boleh termasuk sebagai pemegang unit "awam"; dan
 - (vi) sekutu orang yang disebut dalam subperenggan (e)(i) hingga (v) di atas.

Bagi mengelakkan keraguan, pemegang syer atau pemegang unit "**awam**" juga tidak termasuk seseorang yang memegang atau memperoleh sekuriti melalui cara artifisial. Ini termasuk, sebagai contoh, memberikan sekuriti secara percuma atau sekuriti sebagai hadiah atau memberikan bantuan kewangan atau pinjaman untuk memperoleh sekuriti kepada penama pengarah, pemegang syer substansial atau pemegang unit substansial.

pengambilalihan yang layak

berhubung dengan SPAC, ertiya pemerolehan awal perniagaan oleh SPAC yang mempunyai agregat nilai pasaran sama dengan atau sekurang-kurangnya 80% daripada jumlah agregat dalam suatu Akaun Amanah dan adalah selaras dengan strategi perniagaan yang dinyatakan dalam prospektus yang dikeluarkan berhubung dengan tawaran awal SPAC.

harta tanah

ertiya tanah dan semua benda yang merupakan bahagian semula jadi tanah serta benda yang terpaut pada tanah di bawah dan di atas tanah, dan termasuk hak, kepentingan dan manfaat berkaitan dengan pemilikan harta tanah, tetapi tidak termasuk mineral, atau aset dan sumber minyak dan gas.

amanah pelaburan hartanah (“REIT”)	ertinya suatu skim unit amanah yang melabur atau bercadang untuk melabur terutamanya dalam hartanah yang menjana pendapatan.
Bursa Saham Yang Diiktiraf	ertinya – <ul style="list-style-type: none"> a) suatu pertubuhan perbadanan yang diluluskan oleh Menteri di bawah seksyen 8(2) CMSA; atau (b) bursa saham asing yang diisytiharkan oleh Bursa sebagai bursa saham yang diiktiraf.
Rekod Pendeposit-Pendeposit	ertinya rekod yang disediakan oleh Depositori kepada penerbit tersenarai di bawah Bab 24.0 Kaedah-Kaedah Depositori.
daftar	ertinya daftar anggota yang disimpan menurut Akta Syarikat.
perbadanan yang berhubungan	ertinya suatu perbadanan yang merupakan– <ul style="list-style-type: none"> (a) syarikat pemegangan perbadanan yang lain; (b) subsidiari perbadanan yang lain; atau (c) subsidiari syarikat pemegangan perbadanan yang lain.
pihak yang berkaitan	<ul style="list-style-type: none"> (a) berhubung dengan suatu perbadanan, ertinya pengarah, pemegang syer utama atau orang yang berhubungan dengan pengarah atau pemegang syer utama itu; (b) berhubung dengan suatu amanah perniagaan, ertinya pengurus pemegang amanah, pengarah atau pemegang syer utama pengurus pemegang amanah, pemegang unit utama amanah perniagaan itu atau orang yang berkaitan dengan mana-mana orang yang disebut terdahulu; (c) berhubung dengan suatu dana tertutup, ertinya Pengurus, pengarah atau pemegang syer utama Pengurus atau dana tertutup itu, atau orang yang berkaitan dengan mana-mana orang yang disebut terdahulu; atau (d) berhubung dengan REIT, ertinya syarikat pengurusan, pemegang amanah, pengarah atau pemegang syer utama syarikat pengurusan, pemegang unit utama REIT, atau orang yang berkaitan dengan mana-mana orang yang disebut terdahulu.
	Bagi maksud takrif ini, “ pengarah ”, “ pemegang syer utama ” dan “ pemegang unit utama ” mempunyai erti yang diberikan dalam perenggan 10.02 Kehendak-Kehendak ini.
akauntan pelapor	ertinya firma akauntan awam yang merupakan juruaudit berdaftar dengan Lembaga Pemantauan Audit dan yang pendaftarannya tidak digantung.
RM dan sen	ertinya masing-masing Ringgit Malaysia dan sen.
Kaedah-Kaedah Depositori	ertinya Kaedah-Kaedah Bursa Malaysia Depository Sdn Bhd, termasuk apa-apa pindaan yang dibuat dari semasa ke semasa.

Kaedah-Kaedah Bursa	ertinya Kaedah-Kaedah Bursa Malaysia Securities Berhad, termasuk apa-apa pindaan yang dibuat dari semasa ke semasa.
SC	ertinya Suruhanjaya Sekuriti Malaysia yang ditubuhkan di bawah seksyen 3 Akta Suruhanjaya Sekuriti Malaysia 1993.
Garis Panduan Ekuiti SC	termasuk apa-apa dokumen lain yang dikeluarkan oleh SC berhubung dengan Garis Panduan itu.
penyenaraian kedua sekuriti akaun sekuriti	ertinya penerimaan masuk ke Senarai Rasmi selain dengan cara penyenaraian utama. mempunyai erti yang diberikan dalam seksyen 2(1) CMSA. ertinya suatu akaun yang diwujudkan oleh Depositori bagi pendeposit untuk merekodkan deposit sekuriti dan untuk urus niaga sekuriti itu oleh pendeposit.
undang-undang sekuriti	ertinya - (a) Akta Suruhanjaya Sekuriti Malaysia 1993; (b) CMSA; (c) Akta Perindustrian Sekuriti (Depositori Pusat) 1991; (d) apa-apa undang-undang lain yang mana SC diberi kuasa untuk mentadbir atau menguatkuaskan; dan (e) apa-apa peraturan-peraturan, kaedah-kaedah, perintah, pemberitahuan atau perundangan subsidiari lain yang dibuat di bawah subperenggan (a), (b), (c) dan (d) di atas; atau dalam hal penerbit asing, ertinya subperenggan (a) hingga (e) di atas dan apa-apa undang-undang di luar Malaysia berkenaan pasaran modal.
Skim Pemberian Syer	ertinya suatu skim yang melibatkan pemberian syer sedia ada penerbit tersenarai kepada pekerja.
Skim Penerbitan Syer	ertinya suatu skim yang melibatkan penerbitan syer baharu kepada pekerja.
perubahan yang signifikan dalam haluan perniagaan atau dasar	(a) berhubung dengan suatu perbadanan, mempunyai erti yang diberikan dalam Garis Panduan Ekuiti SC; dan (b) berhubung dengan amanah perniagaan, mempunyai erti yang diberikan dalam Garis Panduan Amanah Perniagaan SC.
syer yang disebut harga secara tunggal	ertinya syer, yang mempunyai had, kuota atau sekatkan ke atas pemilikan oleh warga asing yang dikenakan oleh perlombagaan atau apa-apa dokumen konstituen lain suatu perbadanan tersenarai tetapi yang syernya tidak disebut harga secara berasingan di Bursa.
syarikat pemerolehan kegunaan khas atau SPAC	ertinya suatu perbadanan yang tidak mempunyai operasi atau perniagaan menjana pendapatan pada masa tawaran awam awal dan belum menyempurnakan pengambilalihan yang layak dengan hasil tawaran itu.

tindakan penstabilan	ertinya apa-apa tindakan yang boleh diambil oleh pengurus penstabilan di bawah Peraturan-Peraturan Pasaran Modal dan Perkhidmatan (Mekanisme Penstabilan Harga) 2008 semata-mata untuk tujuan mengelakkan atau mengurangkan sebarang penurunan harga pasaran sekuriti yang tersenarai dalam Senarai Rasmi.
pengurus penstabilan	ertinya seseorang yang dilantik di bawah Peraturan-Peraturan Pasaran Modal dan Perkhidmatan (Mekanisme Penstabilan Harga) 2008 untuk melaksanakan tindakan penstabilan bagi pihak penerbit tersenarai.
subsidiari	berhubung dengan amanah perniagaan, ertinya entiti subsidiari sebagaimana yang ditakrifkan dalam Garis Panduan Amanah Perniagaan SC.
pemegang syer substansial	mempunyai erti yang diberikan dalam seksyen 136 Akta Syarikat.
pemegang unit substansial	ertinya seseorang yang memegang 5% atau lebih daripada jumlah bilangan unit dalam sesuatu skim unit amanah.
Kod Pengambilalihan dan Percantuman	ertinya Kod mengenai Pengambilalihan dan Percantuman Malaysia 2016 dibaca bersama dengan Kaedah-Kaedah Mengenai Pengambilalihan, Percantuman dan Pemerolehan Wajib, termasuk apa-apa pindaan yang dibuat dari semasa ke semasa.
Kehendak-Kehendak ini	ertinya Kehendak-Kehendak Penyenaraian Pasaran Utama Bursa Malaysia Securities Berhad, termasuk apa-apa pindaan yang dibuat dari semasa ke semasa.
syer perpendaharaan	mempunyai erti yang diberikan dalam seksyen 127(4)(b) Akta Syarikat.
Akaun Amanah	berhubung dengan suatu SPAC, ertinya suatu akaun amanah yang disenggarakan dengan bank berlesen atau bank pelaburan berlesen sebagaimana yang ditakrifkan dalam Akta Perkhidmatan Kewangan 2013, oleh seorang penjaga yang dilantik oleh SPAC untuk memegang bagi pihaknya, hasil daripada penerbitan sekuriti oleh SPAC.
pengurus pemegang amanah	ertinya orang yang – <ul style="list-style-type: none"> (a) memegang harta atau aset sebagai amanah bagi pemegang unit amanah perniagaan; dan (b) menguruskan dan mengendalikan harta dan aset itu.
jumlah nilai aset	berhubung dengan REIT, ertinya nilai asetnya berdasarkan penilaian terkini.
skim unit amanah	mempunyai erti yang diberikan dalam seksyen 2(1) CMSA.
sekuriti mengundi	berhubung dengan suatu SPAC, ertinya sekuriti yang diterbitkan oleh suatu SPAC yang memberi kepada pemegang, hak mengundi.

BAHAGIAN B – TAFSIRAN**1.02 Tafsiran**

- (1) Melainkan jika ditakrifkan dengan erti lain dalam Kehendak-Kehendak ini atau melainkan jika konteksnya menghendaki makna yang lain, perkataan atau ungkapan yang ditakrifkan dalam Akta Syarikat, apabila digunakan dalam Kehendak-Kehendak ini, mempunyai erti yang sama seperti dalam Akta Syarikat.
- (2) Selain daripada perkara di atas, terma dan ungkapan-ungkapan tertentu yang lain juga telah ditakrifkan dalam Bab masing-masing. Takrifan tersebut hanya terpakai dalam Bab berkenaan yang mengandunginya.
- (3) Terma dan ungkapan yang ditakrifkan dalam perenggan 1.01 juga terpakai dalam mana-mana Nota Amalan, melainkan jika ditakrifkan dengan erti lain dalam Nota Amalan itu.
- (4) Jika sesuatu tindakan dikehendaki untuk dilakukan dalam bilangan "hari pasaran penuh" yang ditetapkan sebelum atau selepas tarikh yang tertentu, sekurang-kurangnya bilangan hari pasaran tersebut mesti berlalu antara hari yang padanya tindakan itu dilakukan dan tarikh itu.
- (5) Melainkan jika konteksnya menghendaki makna yang lain, jika sekuriti disenaraikan dan disebut harga dalam mata wang asing, rujukan kepada Ringgit berhubung dengan sekuriti tersenarai itu hendak diubah suai supaya mempunyai erti nilai yang setara dalam mata wang asing.

1.03 Kuasa sampingan dsb Bursa

Jika mana-mana peruntukan Kehendak-Kehendak ini memberi kuasa, membenarkan atau membolehkan Bursa untuk melakukan atau menguatkuasakan pelakuan apa-apa perbuatan atau perkara, Bursa mempunyai semua kuasa-kuasa sedemikian atau hak-hak yang perlu atau yang semunasabahnya dianggap bersampingan untuk Bursa melakukan atau menguatkuasakan pelakuan perbuatan atau perkara itu.

1.04 Jantina

Melainkan jika konteksnya menghendaki makna yang lain, perkataan yang memberi maksud mana-mana jantina termasuk kesemua jantina.

1.05 Tunggal dan jamak

Melainkan jika konteksnya menghendaki makna yang lain, perkataan yang memberi maksud bilangan tunggal termasuk bilangan jamak dan begitu juga sebaliknya.

1.06 Tajuk

Tajuk dan sub-tajuk dalam Kehendak-Kehendak ini dimasukkan untuk kemudahan rujukan sahaja.

1.07 Lampiran

- (1) Lampiran hendaklah dianggap, dibaca dan ditafsirkan sebagai bahagian penting kepada Kehendak-Kehendak ini.
- (2) Lampiran yang berupa borang tidak akan dicetak dan disediakan oleh Bursa. Pemohon dan penerbit tersenarai dikehendaki mengemukakan borang mereka sendiri yang mematuhi sepenuhnya Lampiran yang berkaitan.

1.08 Jadual

Jadual hendaklah dianggap, dibaca dan ditafsirkan sebagai bahagian penting kepada Kehendak-Kehendak ini.

1.09 Rujukan

- (1) Rujukan kepada perenggan, Bahagian dan Bab, melainkan jika dinyatakan selainnya, hendaklah ditafsirkan sebagai rujukan kepada perenggan, Bahagian dan Bab dalam Kehendak-Kehendak ini.
- (2) Rujukan kepada Lampiran dan Jadual, melainkan jika dinyatakan selainnya, hendaklah ditafsirkan sebagai rujukan kepada Lampiran dan Jadual dalam Kehendak-Kehendak ini.
- (3) Rujukan kepada peruntukan undang-undang dan perundangan subsidiari termasuk apa-apa tersebut peruntukan sebagaimana dipinda atau digubal semula dari semasa ke semasa.
- (4) Rujukan kepada undang-undang dan perundangan subsidiari termasuk apa-apa penggabungan, pengantian atau semakan undang-undang dan perundangan subsidiari itu.

[Bab tamat]